

ERS 1884



PRIFYSGOL
BANGOR
UNIVERSITY

Llongyfarchiadau

DATHLIADAU GRADDIO
GRADDEDIGION 2023



Croeso gan yr Is-ganghellor

Llongyfarchiadau!

Mae graddio yn garreg filltir arwyddocaol ym mywyd pob myfyriwr a heddiw mae'n bleser mawr gennym ddathlu eich llwyddiannau yma ym Mhrifysgol Bangor!

Mae eich profiad prifysgol wedi mynd â chi ar daith o dwf a thrawsnewid. Bu'n rhaid i chi wynebu'r heriau unigryw a digyffelyb o astudio am radd yn ystod pandemig Covid-19 a hoffwn dalu teyrnged arbennig i chi am eich ymrwymiad a'ch ymroddiad i ddysgu.

Graddio yw'r dyddiad pwysicaf yn y calendr addysg uwch. Fel Is-ganghellor, mae'n bleser mawr gennyf fod yn bresennol yn y seremonïau hyn, yn tystio i'ch llwyddiant a dathlu grym trawsnewidiol addysg brifysgol. Rydym yn falch iawn o allu rhannu dathliadau ein holl raddedigion gyda theuluoedd, ffrindiau a chefnogwyr.

Pa bynnag lwybr a ddewiswch, mae'r brifysgol yn dymuno'n dda i chi ar gyfer y dyfodol, ac yn gwneud hynny gan wybod bod Bangor wedi'ch helpu i ehangu eich meddwl a'ch doniau, gan roi'r wybodaeth, y profiadau a'r rhwydweithiau i chi i'ch cynorthwyo wrth i chi lywio'r camau nesaf yn eich bywyd.

Cofiwch y bydd eich cysylltiad â Phrifysgol Bangor yn para am oes. Rydych yn awr yn rhan o'n cymuned ryngwladol, llwyddiannus o gyn-fyfyrrwyr a byddwn yn ymdrechu i barhau i'ch cefnogi, lle bynnag yr ydych yn y byd.

Ar ran staff y brifysgol, dymunaf bob llwyddiant i chi wrth gyflawni eich amcanion.

**Yr Athro Edmund Burke
Is-ganghellor**



Ers 1884

Ym Mangor rydym yn mawrygu cyfraniad y chwarelwyr lleol at sefydlu'r Brifysgol ym 1884. Yn yr hyn y gellid ei ddisgrifio fel enghraifft gynnar o ymgyrch cyllido torfol, cyfrannodd y rhai a fu'n gweithio'r graig ers cenedlaethau, trwy gyfrannu ceiniogau, tuag at ffurfio'r Brifysgol - lle a fyddai'n caniatáu i feddyliau ymholgar ffynnu.

Pan agorwyd y coleg, cofrestrwyd 58 o fyfyrwyr ar gyrsiau yn amrywio o Roeg, Lladin, Cymraeg a Saesneg i Gemeg, Mathemateg, Botaneg ac Amaethyddiaeth. Wrth i adrannau a phynciau newydd gael eu sefydlu, cynyddodd nifer y myfyrwyr i tua 300 erbyn troad yr 20fed ganrif. Bu twf mawr yn y 1950au a'r 1960au, a heddiw mae dros 11,000 o fyfyrwyr yn astudio yma.

Mae Prifysgol Bangor heddiw yn bont rhwng Cymru a'r byd ac fel sefydliad sydd â chysylltiadau byd-eang rydym yn gweithredu fel ffenestr i'r rhanbarth. Mae



ein haddysgu wedi ei seilio ar ymchwil wreiddiol mewn llawer o'n disgyblaethau.

Gall myfyrwyr gael eu haddysgu gan staff academiaidd sy'n arweinwyr ymchwil mewn meysydd mor amrywiol â gofal iechyd a gwyddorau meddygol, gwyddorau'r amgylchedd, busnes a cherddoriaeth.

Wrth gwrs, gwaith prifysgol yw rhannu gwybodaeth a'i chreu hefyd. Mae ymchwil ac arloesi sy'n cael eu gyrru gan effaith yn nodweddion ym Mhrifysgol Bangor a dyma sy'n rhoi ein gallu trawsnewidiol i ni a dyma sut mae ein myfyrwyr yn elwa.

Heddiw mae ein hymchwil sydd gyda'r gorau yn y byd yn chwilio am atebion i rai o broblemau mwyaf heriol cymdeithas - o wella iechyd a lles, diogelu'r amgylchedd, darganfod atebion ynni carbon isel a darparu atebion newydd i hyrwyddo'r economi 5G byd-eang.

Prifysgol Bangor: y gorffennol, y presennol a'r dyfodol

1884-1907

1884

Wedi'i hariannu'n rhannol gan chwarelwyr a ffermwyr, agorodd Prifysgol Bangor ei drysau am y tro cyntaf ar 18 Hydref 1884, wedi'i lleoli yn hen dafarn y goets fawr, y Penrhyn Arms. Enw'r sefydliad oedd Coleg Prifysgol Gogledd Cymru, gyda 58 o fyfyrwyr a 10 aelod staff.

1893

Daeth Prifysgol Cymru Bangor yn un o dri choleg cyfansoddol gwreiddiol Prifysgol Cymru.

1903

Rhoddodd Dinas Bangor safle 10 erw ym Mhenrallt uwchben y ddinas ar gyfer adeilad newydd i'r coleg, a chasglwyd swm sylweddol o arian gan bobl leol tuag at y gost o'i adeiladu.

1907

Gosodwyd carreg sylfaen safle presennol Prif Adeilad y Celfyddydau gan Edward VII ar 9 Gorffennaf 1907.

1911-1939

1911

Agoriad swyddogol Prif Adeilad y Celfyddydau, a adeiladwyd gan Henry T. Hare, pensaer o Lundain; ynghyd â rhai o adeiladau'r celfyddydau a gwyddorau cymdeithas a rhan o'r llyfrgell.

1926

Symudodd adrannau gwyddoniaeth y Brifysgol i adeiladau newydd a phwrpasol a adeiladwyd â chymorth arian a godwyd gan Gyngor Cofeb Arwyr Gogledd Cymru, a fu hefyd yn goruchwyllo'r gwaith o adeiladu'r Porth Coffa (oddi ar Ffordd Deiniol) ym 1923, i gofio'r rhai o Ogledd Cymru a gollodd eu bywydau yn y rhyfel.

1939

Ar 23 Awst 1939, wythnos cyn dechrau'r Ail Ryfel Byd, dechreuodd yr Oriel Genedlaethol yn Llundain gludo'r gweithiau celf mwyaf gwerthfawr i Fangor, gan fod pryder y byddai bomiau'n cael eu gollwng ar Lundain. Cafodd mwy na 500 o baentiadau, gan gynnwys gweithiau gan Botticelli, Rubens a Rembrandt, eu storio yn y brifysgol yn Neuadd Prichard-Jones.

1949-1967



1949

Ar 28 Ebrill 1949, dyfarnwyd Doethuriaeth er Anrhydedd mewn Cerddoriaeth i'w Mawrhydi'r Frenhines Elizabeth, neu Ei Mawrhydi'r Dywysoges Elizabeth fel yr oedd ar y pryd, gan ei Fawrhydi'r Tywysog Philip, oedd newydd gael ei wneud yn Ganghellor y Brifysgol.

1952

Sefydlwyd y corff Gwirfoddoli Myfyrwyr Bangor, sef cangen wirfoddoli Undeb y Myfyrwyr, sy'n cefnogi projectau cymunedol yn ardal Bangor a'r cyffiniau. Y project hynaf yw te parti i drigolion hŷn lleol, a gynhaliwyd gyntaf yn 1952 ac sy'n parhau hyd heddiw, 70 mlynedd yn ddiweddarach.

1960au

Roedd y Brifysgol yn rhan o'r ehangu cyffredinol mewn addysg uwch yn y DU yn dilyn Adroddiad Robbins, gyda nifer o adrannau newydd ac adeiladau newydd.

1967

Ymwelodd y Beatles â'r Coleg Normal, ar gyfer y ddarlith ar Fyfyrdod Trosgynnol gan y Maharishi Mahesh Yogi. Bu'r ymweliad yn ddyddiad hollbwysig yn hanes y grŵp, gan mai yma yr oeddent pan ddaeth y newyddion am farwolaeth eu rheolwr, Brian Epstein.

1970-1996

1970au

Roedd protestiadau myfyrwyr yn y 1970au yn canolbwyntio ar alwadau i ehangu swyddogaeth y Gymraeg. Yn sgil ymgyrch yn erbyn polisi iaith y coleg gan Gymdeithas y Cymric, paentiwyd sloganau yn Gymraeg ar waliau'r Prif Adeilad, gan arwain at nifer o fyfyrwyr yn cael eu hatal o'u hastudiaethau.



Llun: Llyfrgell Genedlaethol Cymru

1976

Arweiniodd y protestiadau a diarddel myfyrwyr at sefydlu Undeb Myfyrwyr Colegau Bangor (UMCB). Llwyddodd UMCB i gael Neuadd Gymraeg i fyfyrwyr y Brifysgol, sef Neuadd John Morris-Jones. Daeth UMCB yn Undeb Myfyrwyr Cymraeg Bangor wedi hynny ac mae bellach yn rhan fywiog o brif Undeb y Myfyrwyr.

1977

Cwblhawyd y broses o uno'r Brifysgol gyda Choleg y Santes Fair.

1996

Cwblhawyd y broses o uno'r Brifysgol gyda'r Coleg Normal.

2003-2015

2003

Lansiwyd Storm FM, gorsaf radio swyddogol myfyrwyr Prifysgol Bangor, gan ddechrau darlledu ym mis Mawrth 2003.

2007

Dechreuodd y Brifysgol ar y broses o newid ei henw i Brifysgol Bangor, gan gynnwys rhoi pwerau dyfarnu graddau i Brifysgol Bangor ei hun. Roedd pob myfyriwr a ddechreuodd yn y Brifysgol ar ôl 2009 yn ennill gradd o Brifysgol Bangor.

2014

Llofnodwyd cytundeb gan Brifysgol Bangor i greu coleg newydd yn Tsieina. Mae Coleg Bangor yn Tsieina (BCC) yn ysgol a sefydlwyd ar y cyd gan Brifysgol Bangor a'r Central South University of Forestry and Technology yn nhalaith Hunan yn Tsieina.

2015

Agorwyd pentref myfyrwyr y Santes Fair, sydd wedi'i leoli mewn man uchel yn edrych dros ddinas Bangor.

2015

Agorwyd Pontio, y Ganolfan Celfyddydau ac Arloesi, gyda thua 1000 o bobl yn mwynhau Diwrnod Croeso yn y ganolfan. Yn ogystal â bod yn gartref i Undeb y Myfyrwyr, mae Pontio hefyd yn cynnwys sinema, theatr, darlithfeydd a lle i fwyta.

2018-2023

2018

Cwblhawyd M-SParc, y parc gwyddoniaeth gwerth £20m sy'n eiddo i'r Brifysgol ar Ynys Môn. Fel parc gwyddoniaeth pwrpasol cyntaf Cymru, mae'n darparu lle i gwmnïau cyffrous ac arloesol yn y sectorau gwyddoniaeth a thechnoleg ymgartrefu a chael cefnogaeth i ddatblygu eu busnesau.

2021

Prifysgol Bangor yn dathlu 100 mlynedd o gerddoriaeth gyda rhaglen flwyddyn o hyd o ddigwyddiadau, yn nodi 100 mlynedd ers penodi'r cyfansoddwr E.T. Davies yn Gyfarwyddwr Cerdd llawn-amser cyntaf y brifysgol.

2022

Mae Fframwaith Rhagoriaeth Ymchwil Llywodraeth y DU yn gosod Bangor yn y 30 Uchaf trwy'r Deyrnas Unedig am effaith gymdeithasol ei hymchwil. Ystyrir bod 85% o'n hymchwil gyda'r gorau yn y byd neu'n rhagorol yn rhyngwladol.

2023

Cyhoeddir Ysgol Feddygol Gogledd Cymru newydd gyda chefnogaeth Llywodraeth Cymru ac mewn partneriaeth â Bwrdd Iechyd Prifysgol Betsi Cadwaladr. O 2024 bydd myfyrwyr yn gallu cofrestru ar radd feddygaeth lawn gyda Phrifysgol Bangor am y tro cyntaf.



Y Prif Adeilad

Mae Prif Adeilad y Celfyddydau ym Mhrifysgol Bangor yn parhau i fod yn ganolbwynt i'r Brifysgol a chafodd ei ddisgrifio gan Cadw, gwasanaeth amgylchedd hanesyddol Llywodraeth Cymru, 'yn bensaernïol yn un o adeiladau cyhoeddus mwyaf arwyddocaol y cyfnod ym Mhrydain'.

Adeiladwyd rhwng 1907-11 gan Henry T. Hare, a ddewiswyd yn dilyn cystadleuaeth bensaernïol a gynhaliwyd gan y Brifysgol, ar ôl caffael y safle ym 1903.

Gosodwyd y garreg sylfaen gan Edward VII ar 9 Gorffennaf 1907, a chynhaliwyd yr agoriad swyddogol ar 14 Mehefin 1911.

Mae'r adeilad mewn arddull 'Tuduraidd Golegol' ac mae wedi'i seilio ar brifysgolion Rhydychen, Caergrawnt a Durham, gyda dylanwadau'r mudiad Celf a Chrefft.

Mae'r adeilad wedi ei ddylunio o amgylch dau gwadrangl: y Prif Gwadrangl a'r Cwadrangl Mewnol, sy'n agored i'r cyhoedd ar Ddiwrnod Graddio.



Neuadd Prichard-Jones

Mae Neuadd Prichard-Jones, lle cynhelir y seremoni raddio heddiw, wedi'i henwi ar ôl Syr John Prichard-Jones, dilledydd o deulu cyffredin ar Ynys Môn a wnaeth ei ffortiwn yn Stryd Regent yn Llundain fel rheolwr gyfarwyddwr siopau mawr Dickens and Jones, a brynwyd gan Harrods yn 1914.

Cyfrannodd Syr Prichard-Jones £15,000 tuag at ei hadeiladu, a chafodd ei annog i gynorthwyo'r coleg yn y ffordd hon gan David Lloyd George, un o brif gefnogwyr y Brifysgol, a oedd yn Ganghellor y Trysorlys bryd hynny, cyn mynd ymlaen i ddod yn Brif Weinidog y DU.

Nid yw tu mewn y neuadd wedi newid llawer ers iddi gael ei hagor yn 1911. Mae'r tariannau sy'n addurno brig y muriau'n

cynrychioli hen fwrdeistrefi Gogledd Cymru a gosodwyd yr organ bib yn dilyn cau eglwys leol y Tabernacl ddechrau'r 1970au.

Mae'r electroganwylyron (siandeliers trydan) yn dal i hongian o'r nenfwd, ac mae'r waliau wedi'u gorchuddio â'r paneli wenscot gwreiddiol.

Caiff ei defnyddio'n aml gan y Brifysgol a'r gymuned, ac mae cenedlaethau lawer o fyfyrwyr wedi sefyll arholiadau, dawnsio a bod mewn seremonïau graddio yma. Mae gan y neuadd hefyd draddodiad hir o gynnal adloniant cerddorol i Ogledd Cymru, gyda pherfformwyr yn cynnwys Syr Bryn Terfel ac Aled Jones MBE.



Eich seremoni raddio

Bydd tua 2,000 o fyfyrwyr yn graddio yn ystod y seremonïau graddio hyn.

Dyma gyfle i ddathlu a myfrio ar lwyddiannau ein myfyrwyr ac i alluogi cymuned y brifysgol i gydnabod eich cyflawniadau.

Trawsnewidiodd y pandemig y dirwedd addysg uwch, gan orfodi pob un ohonom i weithio'n wahanol ac ailasesu ein blaenoriaethau a'n ffyrdd o weithio. Gyda lles a diogelwch ein staff a'n myfyrwyr yn hollbwysig, cafwyd heriau a llwyddiannau yn sgil y newid i ddysgu cyfunol. Rydym yn hynod falch o wytnwch ac ymroddiad ein myfyrwyr i'w hastudiaethau yn y cyfnod anodd hwn.

Gallwn yn awr gyda balchder mawr weld ein graddedigion yn cymryd eu camau cyffrous nesaf i'r byd, fel y mae llawer o rai eraill wedi'i wneud o'u blaen.

Pa un a ydych yn graddio, yn berthynas neu'n gyfaill i rywun sy'n graddio, rydym yn gobeithio y cewch ddiwrnod pleserus a fydd hefyd yn eich ysbrydoli.

Llongyfarchiadau!

Yr orymdaith

Mae pob seremoni'n dechrau gyda gorymdaith. Fe'i harweinir gan Brif Farsial – sef uwch aelod o staff gweinyddol y Brifysgol. Ei waith yw gofalu bod y seremoni yn mynd yn ei blaen yn ddidrafferth.

Yn dilyn y Prif Farsial yn yr orymdaith ceir sawl adran, pob un yn cael ei harwain gan Farsial(iaid), sydd hefyd yn swyddogion yn y Brifysgol:

Adran 1:
Staff academiaidd a phobl leol flaenllaw

Adran 2:
Penaethiaid Ysgolion a Phenaethiaid adrannau Gwasanaethau Proffesiynol canolog

Adran 3:
Uwch swyddogion y Brifysgol, yn cynnwys y Dirprwy Is-gangellorion a'r Cyflwynydd

Adran 4:
Cymrodyr er Anrhydedd a'u Cyflwynwyr

Adran 5:
Gorymdaith y Canghellor, yn gynnwys yr Is-ganghellor a'r Canghellor (neu ei ddirprwy).

Arweinir rhan olaf yr orymdaith, sef gorymdaith y Canghellor, gan Gludydd y Brysgyll, sydd hefyd yn aelod uwch o staff gweinyddol y Brifysgol.

Y Brysgyll

Y Brysgyll yw symbol awdurdod y Brifysgol ac yn y seremoni mae'n mynd o flaen yr Is-ganghellor bob amser.

Comisiynwyd y Brysgyll gan Gymdeithas y Cyn-fyfyrwyr i goffáu canmlwyddiant y Brifysgol ym 1984. Ar frig y Brysgyll ceir tarian gydag arfbais y Brifysgol arni, a gwnaed ei ben o lechfaen Bethesda. Mae hyn i gofio haelioni'r chwarelwyr lleol a gyfrannodd ran o'u cyflogau wythnosol yn nechrau'r 1880au tuag at sefydlu'r Brifysgol.

Mae'r ddwy ffon eboni sy'n cael eu cario gan y marsialiaid yn rhodd gan y pumed Arglwydd Kenyon a gwblhaodd 36 mlynedd o wasanaeth fel Llywydd y Brifysgol yn 1981. Ar ben y ffyn ceir tariannau ac arnynt arfbeisiau'r Brifysgol a'r teulu Kenyon.



Y Canghellor



Canghellor Prifysgol Bangor yw'r academydd a'r ffisegydd yr Athro Syr Robin Williams.

Y Canghellor yw pennaeth seremonïol y brifysgol ac un o'i llysgenhadon amlycaf sy'n gweithio gyda'r Is-ganghellor ac uwch swyddogion eraill i hyrwyddo llwyddiannau'r brifysgol, gartref a thramor.

Graddiodd Syr Robin ym Mhrifysgol Bangor ac mae'n eiriolwr cryf dros natur ddwyieithog y brifysgol. Penodwyd i'r swydd ym mis Tachwedd 2022.

“Mae'n anrhydedd mawr gwasanaethu Prifysgol Bangor fel Canghellor” meddai. “Rwyf wedi bod yn gysylltiedig â'r sefydliad dwyieithog gwych hwn ers pan oeddwn yn fyfyrwr yma yn y chwedegau ac rwy'n falch o allu gweithio gyda'r brifysgol i hyrwyddo ei rhinweddau a'i llwyddiannau unigryw.”

Mae Syr Robin yn awdurdod ym maes lled-ddargludyddion ac mae ei ymchwil wedi bod yn bwysig yn natblygiad electroneg ddigidol a'r newidiadau pellgyrhaeddol ym maes cyfrifiadura a chyfathrebu. Gan weithio'n agos gyda diwydiannau ledled y byd, datblygodd ddulliau newydd o astudio lled-ddargludyddion ac roedd yn un o'r rhai cyntaf i ddefnyddio ymbelydredd synchrotron i astudio arwynebau solidau.

Cafodd ei urddo'n farchog yn rhestr anrhydeddau pen-blwydd y Frenhines yn 2019 am wasanaethau i addysg uwch, ymchwil a'r Gymraeg, ac mae Syr Robin wedi gwasanaethu ar lawer o gyrff polisi a chyllido yn rhyngwladol ac yn y Deyrnas Unedig ac ar grwpiau cynghori gweinidogol ar ddatblygiad economaidd ac addysg yng Nghymru.

Mae'n gyn-gadeirydd Cyngor Ymgynghorol Gwyddoniaeth Cymru. Roedd yn aelod o Gyngor Ymgynghorol Arloesi Cymru ac yn un o gymrodyr sylfaenol Cymdeithas Ddysgedig Cymru. Dyfarnwyd Medal Wyddoniaeth a Thechnoleg yr Eisteddfod Genedlaethol 2022 i Syr Robin am ei gyfraniad gydol oes at wyddoniaeth.



Trefn y gweithgareddau

Cerddoriaeth
Cyn i'r seremoni ddechrau bydd rhaglen o gerddoriaeth, gan orffen gyda cherddoriaeth yr orymdaith, sy'n dynodi dechrau'r seremoni.

Cerddoriaeth yr orymdaith:
John Stanley – ‘Trumpet Voluntary’

Yr orymdaith
Gofynnir i'r gynulleidfa sefyll pan mae'r orymdaith yn dod i mewn i'r neuadd. Dyma ddechrau'r seremoni yn ffurfiol.

Rhagarweiniad
Mae'r seremoni'n agor gydag adroddiad gan fyfyrwr o'r Brifysgol o ddarn o gerdd, 'Y Coleg ar y Bryn' gan y diweddar Gwyn Thomas. Darllenir y darn yn Gymraeg a Saesneg. Roedd Gwyn Thomas, a fu farw yn 2016, yn gyn Athro y Gymraeg yn y Brifysgol, ac roedd yn Fardd Cenedlaethol Cymru o 2006 tan 2008.

Comisiynwyd y gerdd gan Ei Fawrhydi Brenin Charles III, neu Dywysog Cymru fel yr oedd ar y pryd, yn 2007 i ddathlu canmlwyddiant gosod carreg sylfaen Prif Adeilad y Celfyddydau.

Y penderfyniad
Mae'r Prif Gyflwynydd, sy'n academydd uwch, yn darllen y penderfyniad yn Gymraeg a Saesneg sy'n rhoi awdurdod i'r Is-ganghellor i ddyfarnu graddau, ac mae hefyd yn cyflwyno pob grŵp o fyfyrwyr ar gyfer eu gwahanol raddau a diplomâu â'r geiriau:

Anrhydeddus Is-ganghellor, cyflwynaf i chi'r disgyblion hyn a enillodd radd (... teitl y radd ...) mewn (.. enw/enwau'r pwnc/pynciau a astudiwyd ...)

Cyflwyno'r myfyrwyr
Mae Cyflwynydd, Pennaeth yr Adran berthnasol neu ei (d)dirprwy fel rheol, yn cyflwyno myfyrwyr i'r Is-ganghellor trwy ddarllen eu henwau llawn.

Mae pob myfyrwr yn ei dro yn croesi'r llwyfan i gael eu cyfarch gan yr Is-ganghellor a'r Canghellor (neu ei ddirprwy).

Derbyn myfyrwyr i raddau
Bydd yr Is-ganghellor yn derbyn grwpiau o fyfyrwyr i'w graddau yn ffurfiol trwy ddweud:

Ar ran y Brifysgol rwy'n cadarnhau eich bod wedi derbyn gradd (... enw'r radd) a holl freiniau'r radd hon.

Bydd y Canghellor (neu ei ddirprwy) yn cyfarch y graddedigion trwy ddweud:

Llongyfarchiadau ar dderbyn eich gradd heddiw.

Yna ailadroddir y drefn hon ar gyfer pob grŵp o fyfyrwyr. Cyflwynir y rhai a enwir yn eu grwpiau priodol yn y rhaglen i dderbyn eu graddau mewn absentia.

Egwyl
Tua hanner ffordd drwy'r seremoni, bydd egwyl gerddorol fer.

Cymrodoriaethau Addysgu
Mewn rhai seremonïau graddio bydd y Brifysgol yn cyflwyno Cymrodoriaeth Addysgu i aelod o'r staff academiaidd y bernir ei fod/bod wedi gwneud cyfraniad arbennig i addysgu a gofal bugeiliol y myfyrwyr. Enwebir rhai i dderbyn Cymrodoriaethau Addysgu gan y rhai sydd yn y sefyllfa orau i farnu – y myfyrwyr eu hunain.

Cymrodoriaethau a Graddau er Anrhydedd
Tuag at y diwedd mewn rhai seremonïau graddio cyflwynir Cymrodoriaethau a Graddau er Anrhydedd gan y Brifysgol i unigolion sydd wedi gwneud cyfraniad nodedig yn eu gwahanol feysydd ac y mae'r Brifysgol yn dymuno eu hanrhydeddu. Cyflwynir y rhain gan yr Is-ganghellor.

Anerchiad cloi
Bydd y seremoni yn cloi gydag anerchiad i'r graddedigion a'r gwesteion newydd.

Hen Wlad Fy Nhadau (anthem genedlaethol Cymru)

Yr orymdaith yn gadael y neuadd
Gofynnir i'r gynulleidfa sefyll pan fydd cerddoriaeth yr orymdaith yn dechrau ac wrth i'r orymdaith adael y neuadd.

Cerddoriaeth yr Orymdaith:
F. Mendelssohn – ‘War March of the Priests’

Graddau er Anrhydedd 2023

Mae ein Cymrodoriaethau a’n Graddau er Anrhydedd yn ddyfarniadau mawr eu bri a roddwn i unigolion nodedig sydd â chysylltiad â’r Brifysgol, neu â Chymru, ac sydd wedi gwneud cyfraniad eithriadol yn eu gwahanol feysydd.

Cyfraniad at Ddiwylliant, Cerddoriaeth a Chelfyddydau Cymru a’r Gymraeg



Yr Arglwydd Dafydd Wigley

Gwleidydd o Gymro yw **Dafydd Wigley**, y Barwn Wigley o Gaernarfon. Bu’n gwasanaethu fel arweinydd Plaid Cymru o 1981-84 ac eto ym 1991-2000. Bu’n gwasanaethu fel Aelod Seneddol Plaid Cymru dros Gaernarfon o 1974 tan 2001 ac fel Aelod Cynulliad dros Gaernarfon o 1999 tan 2003. Yn 2010, rhoddwyd arglwyddiaeth oes i Dafydd gan Ei Mawrhydi, y Frenhines Elizabeth II. Cymerodd ei sedd yn Nhŷ’r Arglwyddi, fel y Barwn Wigley o Gaernarfon, ar 24 Ionawr 2011. Bu Dafydd yn cadeirio Grŵp Llywio Partneriaeth Llechi Cymru a chwaraeodd ran allweddol wrth sicrhau Statws Treftadaeth y Byd UNESCO i Dirwedd Mwyngloddio Llechi Gogledd Orllewin Cymru yn 2021.

Cyfraniad at Wasanaeth Cyhoeddus (gan gynnwys lechyd)



Mr Trefor Owen

Mae **Trefor Owen** yn uwch weithiwr proffesiynol mewn coedwigaeth yng Nghymru. Cafodd gymrodoriaeth hynod gan Sefydliad y Coedwigwyr Siartredig. Ymhlith ei gyflawniadau nodedig cafodd ei benodi’n Brif Weithredwr Dros Dro ar Gomisiwn Coedwigaeth yr Alban, ac yna’n Gyfarwyddwr Rheoli Tir, lle bu’n gyfrifol am oruchwylio ystâd goedwigaeth gyfan llywodraeth yr Alban a’r rhan fwyaf o’r gweithlu. Mae Trefor yn frwd dros addysg, profiad myfyrwyr, a chyflogadwyedd, ac mae wedi cynnal cysylltiadau agos â’i alma mater, Prifysgol Bangor.



Mr Ieuan Wyn Jones

Mae **Ieuan Wyn Jones** yn gyfreithiwr cymwysedig ac yn gyn Aelod Seneddol ac Aelod Cynulliad Ynys Môn. Penodwyd Ieuan yn Ddirprwy Brif Weinidog dros yr Economi a Thrafnidiaeth yn Llywodraeth Cymru yn 2007-11, cyn rhoi’r gorau iddi i ganolbwyntio ar ei waith yn y Cynulliad Cenedlaethol, ochr yn ochr ag arwain Plaid Cymru o 2000-12. Cyn hynny bu Ieuan yn Gyfarwyddwr Gweithredol Parc Gwyddoniaeth Menai Prifysgol Bangor ac fe’i penodwyd yn Gadeirydd Bwrdd Parc Gwyddoniaeth Menai Cyf. yn 2013, swydd a ddaliodd am 10 mlynedd.

Cyfraniad at Adloniant Poblogaidd, cyfraniad at Ddysgu trwy’r Cyfryngau



Ms Joanna Scanlan

Mae **Joanna Scanlan** yn actor ac ysgrifennwr sgrin o fri sy’n adnabyddus yn rhyngwladol. Cafodd ei magu yng Ngogledd Cymru ac mae ei rhieni ill dau’n gyn-fyfyrwyr o Brifysgol Bangor. Mae’n dal i gyfrannu at brofiad myfyrwyr ym Mhrifysgol Bangor. Yn ogystal ag ennill BAFTA am yr Actores Orau mewn Rhan Flaenllaw yn 2022 a chael ei henwi fel darpar enillydd Oscar at y dyfodol, bu Joanna hefyd yn traddodi sgysiau am yrfaoedd i fyfyrwyr, gan rannu ei harsylwadau a’i phrofiadau o’i gyrfa helaeth. Mae ei gwaith mewn cyfresi fel The Thick of It, Getting On, Puppy Love, No Offence ac yn fwyaf diweddar Gentleman Jack, Y Golau and The Larkins yn amlygu ei gyrfa lwyddiannus.



Mrs Leah Owen

Mae **Leah Owen** yn enedigol o Ynys Môn. Bu’n cystadlu mewn Eisteddfodau yn ifanc iawn, a chafodd lwyddiant mewn nifer o Eisteddfodau Cenedlaethol yn y 1970au. Bu’n unawdydd lleisiol gwadd ac yn arweinydd sawl côr, a rhwng 1975-2001 recordiodd sawl albwm unigol i Recordiau Sain.

Ar ôl graddio o Brifysgol Bangor gyda gradd Baglor mewn Cerddoriaeth yn 1974, bu Leah yn dysgu yn Ysgol Hiracl, Bangor, Ysgol Uwchradd Dinbych, Ysgol Twm o’r Nant, Dinbych a Chanolfan Iaith Sir Ddinbych. Cafodd Leah ddylanwad mawr ar genedlaethau newydd o gerddorion ac actorion, a bu’n hyfforddi rhai o sêr mwyaf Cymru heddiw, gan gynnwys Steffan Rhys Hughes, Marek Williams, Jade Davies, Angharad Rowlands ac Amber Davies ac ysbrydolodd gerddorion di-ri’ i ddatblygu a mireinio eu crefft. Gwnaeth Leah gyfraniadau sylweddol i addysg cerddoriaeth a diwylliant yng Nghymru, yn enwedig yn Sir Ddinbych.





Nid yw'n hwyl fawr!

Llongyfarchiadau, rydych wedi graddio!

Rydych yn awr yn ymuno â'n cymuned amrywiol o gyn-fyfyrrwyr sy'n rhagori yn eu gyrfaedd gyda'r sgiliau a'r gefnogaeth y maent wedi'u derbyn ym Mangor.

'Alumni Bangor' yw cymdeithas y Brifysgol ar gyfer cyn-fyfyrrwyr. Nid ydym eisiau colli cysylltiad â chi ar ôl i chi raddio. Trwy gynnal cysylltiadau gydol oes gyda chyn-fyfyrrwyr, rydym wedi ymrwymo i hyrwyddo eich llwyddiannau a hwyluso cyswllt rhwng ffrindiau, adrannau a rhwydweithiau newydd.

Mae ein cymuned o raddedigion yn pontio cenedlaethau a chyfandiroedd gyda chyn-fyfyrrwyr ledled y byd yn cyfarfod a chynorthwyo ei gilydd – heb iddynt erioed gyfarfod yn ystod eu bywydau fel myfyrrwyr yn aml. Rydych yn awr yn aelod o'r rhwydwaith gwerthfawr hwn!

Er mwyn sicrhau eich bod yn rhan o'n rhwydwaith o gyn-fyfyrrwyr, cofiwch sicrhau bod eich manylion cyswllt cyfredol gennym drwy lenwi ein ffurflen ddiweddar ar-lein a dewis derbyn negeseuon at gyn-fyfyrrwyr.



Sganiwch i optio i mewn i gyfathrebiadau cyn-fyfyrrwyr.

Eich cymuned o gyn-fyfyrrwyr

Fel cyn-fyfyriwr o Fangor, gallwch elwa ar amrywiaeth o wasanaethau, gan gynnwys:

- E-newyddion Cyn-fyfyrrwyr: rydym yn anfon e-newyddlenni misol i roi'r newyddion diweddaraf i chi o'r Brifysgol, gan gynnwys manylion am aduniadau a digwyddiadau a gwybodaeth am yr ymchwil a'r gweithgareddau sy'n digwydd yn ein hysgolion a'n colegau.
- Cyngor a chefnogaeth barhaus am yrfaoedd.
- Mynediad i'r llyfrgell: gall cyn-fyfyrrwyr barhau i gael mynediad i lyfrgelloedd ardderchog y Brifysgol gyda Cherdyn Llyfrgell Cyn-fyfyriwr.
- Gwybodaeth am rwydweithiau a grwpiau cyn-fyfyrrwyr, gan gynnwys grwpiau ar y cyfryngau cymdeithasol fel LinkedIn a Facebook.

I ble fydd eich taith yn mynd â chi? Cadwch mewn cysylltiad â'n cymuned cyn-fyfyrrwyr a rhannwch eich stori.

bangor.ac.uk/cy/alumni

Ehangwch eich dealltwriaeth drwy barhau ar eich siwrne addysg uwch gyda ni

Astudiaethau Ôl-radd Hyfforddedig

Mae ein cyrsiau ôl-radd hyfforddedig yn cynnig mynediad i arbenigwyr a chyfleusterau heb eu hail, i'ch helpu chi ddatblygu sgiliau ac ennill cymwysterau.

Gallai myfyrrwyr a raddiodd ym Mangor fod yn gymwys i dderbyn **gostyngiad o hyd at 20%** ar gyrsiau ôl-radd hyfforddedig ym mlwyddyn academaidd 2024/25.

Rhaglenni ymchwil

Datblygwch eich sgiliau ymchwil ymhlith cyfoedion a darlithwyr sy'n rhannu eich brwdfrydedd dros ehangu dealltwriaeth y byd am eich pwnc.



Sganiwch i ddysgu mwy am ein gostyngiad ôl-radd am flwyddyn academaidd 2024/25.



'Bu'r cyfleoedd ym Mangor yn fodd i sicrhau swydd imi mewn cwmni rhyngwladol.'

AWEN EDWARDS

CYFREITHIWR DAN HYFFORDDIANT YN DAC BEACHCROFT LLP

ASTUDIODD: Y GYFRAITH GYDA CHYMRAEG (LLB), 2020

Gwasanaeth Gyrfaedd a Chyflogadywedd

Oeddech chi'n gwybod y gallwch fel cyn-fyfyriwr ym Mhrifysgol Bangor, ddefnyddio Gwasanaeth Gyrfaedd a Chyflogadywedd y Brifysgol am dair blynedd ar ôl i chi raddio?

Gall mynediad at gyngor a gwybodaeth am yrfaoedd fod yr un mor bwysig i chi ar ôl graddio â phan oeddech chi'n fyfyriwr. Mae graddio'n garreg filltir gyffrous a phwysig i bob un ohonom - bydd y cyfnod ar ôl graddio'n llawn newid, ond gall fod yn heriol hefyd.

Dyma rai o'r ffyrdd y gall y Gwasanaeth Gyrfaedd a Chyflogadywedd eich helpu:

- Cymorth ac adborth ar gyfer CV a gwneud ceisiadau.
- Paratoi at gyfweiliad.
- Cynorthwyo graddedigion ansicr / pryderus am 'beth i'w wneud nesaf'.
- Gwella'r chwilio am swyddi / cyfleoedd.
- Rhoi cynnig ar ddulliau newydd os bu graddedigion yn aflwyddiannus gyda'u ceisiadau.
- Archwilio ffyrdd o ennill profiad a sefydlu / gwella rhwydweithiau.

Gall ein graddedigion fanteisio ar gyfrif 'am oes' (CyswlltGyrfa), sy'n cynnig offer, adnoddau a chyfleoedd lu, a chefnogaeth ac adnoddau ychwanegol. Y cyfan sydd angen i chi ei wneud i barhau neu ailgysylltu â'n gwasanaeth yw sefydlu cyfrif CyswlltGyrfa i raddedigion (**careerconnect.bangor.ac.uk**) - byddwch yn cael eich gwahodd i wneud hyn cyn gynted ag y byddwch yn graddio. Cofrestrwch gan ddefnyddio'ch cyfeiriad e-bost personol, a byddwn yn cyfuno eich cyfrif myfyriwr â'ch cyfrif graddedig newydd.



PRIFYSGOL
BANGOR
UNIVERSITY